

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10), a u vezi sa članovima 37. stav (1) i 45. stav (1) Zakona o izvršavanju Budžeta Zeničko-dobojskog kantona za 2017. godinu ("Službene novine Zeničko-dobojskog kantona", broj: 15/16), Vlada Zeničko-dobojskog kantona na prijedlog Ministarstva za poljoprivredu, šumarstvo i vodoprivredu, na 92. sjednici, održanoj 04.04.2017. godine, d o n o s i

ZAKLJUČAK

o usvajanju Programa utroška sredstava Budžeta Zeničko-dobojskog kantona za zdravstvenu zaštitu životinja u 2017. godini, u razdjelu 23, budžetska organizacija 01, potrošačka jedinica 0001, pozicija "Subvencije-veterinarstvo"

I.

Usvaja se Program utroška sredstava Budžeta Zeničko-dobojskog kantona za zdravstvenu zaštitu životinja u 2017. godini, u razdjelu 23, budžetska organizacija 01, potrošačka jedinica 0001, ekonomski kod 614400 NAD 405 "Subvencije-veterinarstvo" u iznosu od 44.000,00 KM (slovima: četrdesetčetirihiljade konvertibilnih maraka) Budžeta Zeničko-dobojskog kantona za 2017. godinu ("Službene novine Zeničko-dobojskog kantona", broj: 15/16), koji čini sastavni dio ovog zaključka.

II.

Sredstva planirana Budžetom Kantona za namjene predviđene ovim Zaključkom realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____ /17.
Datum, 04.04.2017. godine
Zenica

PREMIJER

Miralem Galijašević

DOSTAVLJENO:

1x Ministarstvu za poljoprivredu,
 šumarstvo i vodoprivredu,
1x Ministarstvu finansija,
1x a/a.

BOSNA I HERCEGOVINA
FEDERACIJA BOSNE I HERCEGOVINE

ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**

**PROGRAM UTROŠKA SREDSTAVA BUDŽETA
ZA ZDRAVSTVENU ZAŠTITU ŽIVOTINJA U 2017. GODINI**

Zenica, april 2017. godine

Podaci o programu

Program je usvojen:	na 92. sjednici Vlade Zeničko-dobojskog kantona održanoj 04.04.2017. godine.
Period realizacije Programa:	Realizacija programa zdravstvene zaštite životinja izvršiti će se u periodu od 01.01. do 31.12.2017. godine. Napomena: U ovom periodu izvršit će se i isplata naknade štete za ubijene životinje u 2016. godini.
Ukupna vrijednost Programa:	44.000 KM.
Namjena Programa:	Zdravstvena zaštita životinja.
Korisnici Programa:	Veterinarske stanice, poljoprivredni proizvođači-vlasnici životinja, općine/Grad.
Izvor sredstava:	Budžet Zeničko-dobojskog kantona u 2017. godini, Ministarstvo za poljoprivredu, šumarstvo i vodoprivredu, "Subvencije-veterinarstvo" i Zakon o izvršavanju Budžeta Zeničko-dobojskog kantona za 2017. godinu ("Službene novine Zeničko-dobojskog kantona", broj: 15/16).
Odgovorna osoba:	Himzo Smajić, ministar

I UVOD

Zakonom o veterinarstvu ("Službene novine Federacije BiH", broj: 46/00) utvrđeni zadaci budućeg programa zdravstvene zaštite životinja.

Po Programu za 2017. godinu za zdravstvenu zaštitu životinja ukupno su opredjeljena sredstva u iznosu od **44.000 KM**.

U izradi Programa za 2017. godinu korišteni su slijedeći parametri:

- Epizootiološka situacija na području Ze-do kantona,
- Zakonske obaveze,
- Kontinuitet preventivnih mjera,

Ispoštovan je dogovor sa Federalnim ministarstvom poljoprivrede, vodoprivrede i šumarstva oko harmonizacije programa zdravstvene zaštite životinja, u smislu da nema preklapanja federalnih i kantonalnih programa.

II AKTIVNOSTI PROGRAMA ZDRAVSTVENE ZAŠTITE ŽIVOTINJA

Na osnovu trenutne procjene epizootiološke situacije na području Zeničko-dobojskog kantona, a u skladu sa Zakonom o veterinarstvu i raspoloživim sredstvima Budžeta kantona za 2017.godinu, planira se provođenje sljedećih aktivnosti:

1. Preventivna cijepljenja domaćih životinja,
2. Naknada za ubijene životinje
3. Pomoć u rješavanju problema pasa lotalica,
4. Vakcinacija svinja protiv svinjske kuge
5. Nadoknada dijela štete kod naglih uginuća životinja
6. Rezerva

1. Preventivna cijepljenja domaćih životinja

Za preventivna cijepljenja domaćih životinja (goveda) planira se utrošiti **13.000 KM**. Cijepljenje domaćih životinja protiv određenih zaraznih bolesti životinja koje se mogu prenijeti i na ljude, kao što je Crni prišt (Bedrenica ili Antraks). Zakonski osnov za ovo je član 124. Zakona o veterinarstvu ("Službene novine Federacije BiH", broj: 46/00) koji obavezuje Kanton za planiranje sredstava za provođenje prevencije, suzbijanja i iskorjenjavanja zaraznih bolesti životinja.

2. Naknada štete za ubijene životinje

U ove svrhe planira se **15.000 KM** za slučajeve pojave posebno opasnih zaraznih bolesti domaćih životinja za koje je propisano ubijanje i neškodljivo uklanjanje bez liječenja. Zakonski osnov za ovo je član 45. Zakona o veterinarstvu ("Službene novine Federacije BiH", broj: 46/00).

3. Pomoć u rješavanju problema pasa lotalica

Sredstva u iznosu od **4.000 KM** će biti dodjeljivana općinama/Gradu kao pomoć u rješavanju problema pasa lotalica. Zakonski osnov za ovo je član 124. Zakona o veterinarstvu ("Službene novine Federacije BiH", broj: 46/00) koji obavezuje Kanton za planiranje sredstava za provođenje prevencije, suzbijanja i iskorjenjavanja zaraznih bolesti životinja.

4. Nadoknada dijela štete vlasnicima životinja kod naglih uginuća

Planirana sredstva u iznosu od **5.000 KM** odobravati će se po potrebi i kada se utvrdi kod vlasnika uginuće, kao i u slučajevima vanrednih situacija ili pojave iznenadnih i neočekivanih bolesti.

5. Vakcinacija svinja protiv svinjske kuge

U svrhu provođenja procedura u skladu sa Zakonom radi zaštite svinja od zarazne bolesti svinjska kuga koja bi se provela vakcinacijom, planira se utrošiti **5.000 KM**. Zakonski osnov za ovo je član 124. Zakona o veterinarstvu ("Službene novine Federacije BiH" , broj: 46/00) koji obavezuje Kanton za planiranje sredstava za provođenje prevencije, suzbijanja i iskorjenjavanja zaraznih bolesti životinja.

6. Rezerva

Kao rezerva planiraju se sredstva u iznosu od **2.000,00 KM**.

III KRITERIJI ZA RASPODJELU SREDSTAVA

Odobrena finansijska sredstva ostvariti će iz budžeta Zeničko-dobojskog kantona pod stavkom "Subvencije-veterinarstvo", a odobravati će se fizičkim i pravnim licima (u daljem tekstu: korisnici) prema slijedećim kriterijima:

A. Opći kriterij

Životinje koje budu obuhvaćene ovim Programom zdravstvene zaštite moraju biti upisane u jedinstveni registar domaćih životinja u skladu sa Pravilnikom o obaveznom označavanju i upisu jedinstveni registar ovaca, koza i svinja, te vođenje evidencija („Službene novine FBiH“, broj: 87/07) i Pravilnikom o označavanju životinja i šemi kontrole kretanja životinja u BiH („Službeni glasnik BiH“ broj: 28/03).

B. Posebni kriteriji

1. Preventivna cijepljenja domaćih životinja

Raspodjela sredstava za preventivno cijepljenje domaćih životinja izvršiće se na osnovu utvrđenih distrikta, trenutne epizootiološke situacije i izvještaja Veterinarskih stanica o pojavi Antraxa na području djelovanja istih.

Ostali kriteriji će biti regulisani Zaključkom o odobravanju sredstava.

2. Naknada za ubijene životinje

Sredstva planirana za ove namjene iskoristiće korisnici koji ispune uslove za nadoknadu štete za ubijene životinje u skladu sa Zakonom o veterinarstvu i Pravilnikom o postupku isplate nadoknade štete za neškodljivo uklonjene seropozitivne životinje („Službene novine FBiH“, broj: 23/08).

3. Pomoć u rješavanju problema pasa lotalica

Sredstva će biti dodjeljivana na osnovu konkretne aktivnosti za formiranje i uspostavljanje azila za pse, samo djelovanje i rad azila (troškovi projektne dokumentacije, nabavka veterinarsko zdravstvene opreme za higijeničarske službe). Kao korisnici ovih sredstava biti će općine/Grad Zeničko-dobojskog kantona.

4. Nadoknada dijela štete vlasnicima životinja kod naglih uginuća

Sredstva će se odobravati po potrebi kada se utvrdi da uginuće nije nastalo kao posljedica nebrige i nemara vlasnika, te da je isti imao dobru saradnju i postupao po uputama veterinara ili veterinarskog inspektora. Način procjene vrijednosti i procedura ostvarivanja prava naknade provodiće Odsjek za veterinarstvo Ministarstva.

5. Vakcinacija svinja protiv svinjske kuge

Sredstva za ovu svrhu će biti dodijeljena općinama/Gradu sa područja Zeničko-dobojskog kantona koje će biti zadužene da putem veterinarskih organizacija, realizuju navedenu aktivnost na području svojih općina/Grada, te izvrše vakcinaciju svinja od zarazne bolesti svinjska kuga. Ostali kriteriji će biti regulisani Zaključkom o odobravanju sredstava.

6. Rezerva

Ukoliko planirana sredstva po navedenim aktivnostima ne budu dovoljna, zatim za hitne nepredviđene zahtjeve koji se pojave tokom budžetske godine 2017. Godine, koristiti će se sredstva rezerve, o čijem utrošku će odluku donositi Ministar.

IV SVRHA PROGRAMA

Svrha ovog Programa je da se nastave započeti i otvore novi procesi u Programu zdravstvene zaštite životinja s ciljem da se ostvari :

- a. poboljšanje zdravstvene zaštite životinja,
- b. prevencija pojave zaraznih bolesti domaćih životinja,
- c. smanjenje i iskorjenjavanje postojećih zaraznih bolesti
- d. unapređenje rada Veterinarskih stanica,
- e. obezbjeđenje dobre epizootiološke slike na području Zeničko-dobojskog kantona,
- f. zaštita zdravlja ljudi.

V IZVORI SREDSTAVA

Izvor sredstava za realizaciju Programa je Budžet Zeničko-dobojskog kantona za 2017. godinu ("Službene novine Zeničko- dobojskog kantona", broj: 15/16), u kojem je na stavci "Subvencije - veterinarstvo" u razdjelu 23., budžetska organizacija 01, potrošačka jedinica 0001, ekonomski kod 614 400, NAD 405 planiran iznos od **44.000,00 KM**.

Navedeni iznos sredstava će se realizovati u skladu sa punjenjem Budžeta, a na bazi mjesečnih operativnih planova.

VI KORISNICI SREDSTAVA

Korisnici sredstava su fizička i pravna lica koja podliježu kriterijima iz ovog Programa (farmeri, udruženja, Veterinarske stanice i dr.).

Tabelarni prikaz Programa zdravstvene zaštite za 2017. godinu

R/B	Naziv	Iznos u KM
1.	Vakcinacija domaćih životinja protiv Antraxa	13.000,00
2.	Naknada štete za ubijene životinje	15.000,00
3.	Pomoć u rješavanju pasa lutalica	4.000,00
4.	Nadoknada štete kod naglih uginuća	5.000,00
5.	Vakcinacija svinja protiv svinjske kuge	5.000,00
6.	Rezerva	2.000,00
	UKUPNO :	44.000,00

Broj: 02-_____ /17.
Datum, 04.04.2017. godine
Zenica

PREMIJER

Miralem Galijašević

DOSTAVLJENO:

1x Ministarstvu za poljoprivredu
šumarstvo i vodoprivredu,
1x Ministarstvu finansija,
1x a/a.